

# RPW Ar-Lein Online

Taliadau Gwledig Cymru  
Rural Payments Wales



Llywodraeth Cymru  
Welsh Government

www.cymru.gov.uk

## Canllaw syml i Gwsmeriaid ar sut i ddefnyddio RPW Ar-lein

Canllawiau ar Fapiau Rhyngweithiol



# Sut i Ddefnyddio Taliadau Gwledig Cymru Ar-lein

Pwrpas y ddogfen hon yw rhoi cyfarwyddiadau cam wrth gam i chi ar sut i ddefnyddio RPW Ar-lein. Isod fe welwch y dudalen cynnwys sydd â dolenni hwylus y gellir clicio arnynt. Hefyd, mae yna ddolenni 'Yn ôl i'r Cynnwys' ar ddiwedd pob adran fel y gallwch symud yn hawdd o un cyfarwyddyd i'r llall. Oherwydd bod y ddogfen hon mor fanwl, fe'i bwriedir i'w defnyddio ar-lein yn bennaf.

Mae Llywodraeth Cymru yn cynhyrchu'r Canllaw hwn yn y Gymraeg a'r Saesneg yn unol â gofynion Cynllun Iaith Gymraeg Llywodraeth Cymru. Os oes angen copi o'r Canllaw hwn arnoch yn Saesneg, mae ar gael ar wefan Llywodraeth Cymru yn <https://www.llyw.cymru/mewngofnodi-ar-taliadau-gwledig-cymru-rpw-ar-lein> trwy ddewis y botwm newid iaith ar frig y dudalen ac ailagor y ddogfen. Os ydych chi'n cael trafferth neu os na allwch gael mynediad at ein gwefan, cysylltwch â Desg Gymorth RPW Ar-lein ar 0300 062 5004.

## Cynnwys

Error! Reference source not found.

Tir

Map Rhyngweithiol - Trosolwg

### Gweld Eich Map

Clystyru

Chwyddo i mewn

Chwyddo allan

Tremio

### Dewis Haenau

Haen Lluniau o'r Awyr

Haen Map

Haen Nodweddion Parhaol

21

### **Eiconau Rhyngweithiol**

Chwyddo i ddaliad  
Offeryn Mesur  
Gosod pwyntiau ar y map rhyngweithiol

Mesur pwyntiau lluosog  
Mesur hydroedd ac arwynebeddau polygon  
Argraffu Fy Map  
Offeryn Offeryn Targed  
Lawrlwytho Shapefiles

### **Datrys Problemau**

Microsoft Edge  
Google Chrome  
Mozilla Firefox

### **Cwestiynau Cyffredin**

### **Dolenni Defnyddiol**


#### **Ymwadiad**

Pwrpas y canllaw hwn yw eich helpu i ddefnyddio gwasanaeth Taliadau Gwledig Cymru Ar-lein. Mae'r Canllaw hwn wedi'i rannu'n adrannau sy'n cynnwys cyfarwyddiadau cam wrth gam manwl. Gan fod cyfleusterau Taliadau Gwledig Cymru Ar-lein yn cael eu datblygu, bydd y Canllaw hwn yn newid o bryd i'w gilydd.

Cynhyrchwyd gan Lywodraeth Cymru  
©Hawlfraint y Goron 2024

## RPW Ar-lein

Tir



### Map Rhyngweithiol - Trosolwg

Gallwch chi ddefnyddio'r Map Rhyngweithiol i weld eich tir trwy eich cyfrif RPW Ar-lein. Mae'n dangos unrhyw Diroedd sydd wedi'u Cadw'n Naturiol ar y map yn ogystal ag unrhyw nodweddion parhaol ar eich daliad. Hefyd, fe allwch chi fesur nodweddion fel gwrychoedd neu waliau cerrig.

Er mwyn manteisio'n llawn ar y cyfleuster Map Rhyngweithiol, dylech chi ddefnyddio cyfrifiadur neu liniadur gydag un o'r porwyr rhyngwyd canlynol:


- Microsoft Edge
- Google Chrome
- Mozilla Firefox

Mae'r rhan fwyaf o ffonau clyfar a dyfeisiau llechen sydd â systemau gweithredu Android neu Mac IOS yn gweithio hefyd.


Bydd angen y fersiwn ddiweddaraf o Adobe Reader arnoch hefyd er mwyn argraffu neu gadw copi o unrhyw fap PDF sy'n cael ei greu.

Mae dolen i'r fersiwn ddiweddaraf o Adobe Reader ar gael yn <https://www.llyw.cymru/mewngofnodi-ar-taliadau-gwledig-cymru-rpw-ar-lein>.

Pan fyddwch yn dewis 'Map Rhyngweithiol' o'r ddewislen Tir, fe welwch chi'r dudalen ganlynol:



Unwaith y bydd wedi'i llwytho, bydd eich tudalen Map Rhyngweithiol yn edrych yn debyg i hyn. Bydd eich daliad cyfan i'w weld yn ddiodyn.



Os yw'r bar graddfa yn dangos 1000m neu fwy pan fydd eich tudalen Map Rhyngweithiol wedi llwytho, bydd eich caeau'n cael eu grwpio gyda'i gilydd mewn clystyrau ac yn cael eu harddangos fel cylch coch.




Os yw'r bar graddfa yn dangos 1000m neu fwy, bydd y caeau'n cael eu grwpio gyda'i gilydd mewn clystyrau.

Ewch i dudalen 7 ar gyfer canllawiau ar glystyru.



Ar ochr chwith y dudalen, fe welwch chi flwch Chwilio



Gallwch ddefnyddio'r cyfleuster Chwilio i hidlo'ch caeau. Cofnodwch Gyfeirnod y Ddalen, Rhif y Cae neu Enw'r Cae ac wrth i chi deipio, bydd y system yn dechrau dod o hyd i'r cae rydych chi'n chwilio amdano. Er mwyn clirio'r chwiliad, rhaid i chi ddileu'r data a gofnodwyd yn y bar Chwilio.

Bydd rhestr o'r pum parcel tir cyntaf sy'n cyfateb yn cael ei dangos. Bydd y canlyniadau yn cael eu dangos mewn trefn esgynnol.

Os yw nifer y parceli tir yn y rhestr yn cynnwys mwy na phum sy'n cyfateb, bydd y neges hon yn dangos faint yn rhagor sydd wedi cyfateb i'r chwiliad.

Chwilio...

**LITTLE FIELD**

Cyfeirnod y Ddalen SN9557

Rhif y Cae 4692

Maint y Cae (ha) 1.76

Statws Deiliadaeth O

**Nodweddion**

Cod	Enw	Arwynebedd (ha)
ZZ31	Afonydd a Nentydd	0.16
ZZ11	Coetir - llydanddail - grŵp	0.44
YY16	Coetir - boncyffion	0.01

Ar ôl cael ei ddeuwis, mae'r cae yn cael ei arddangos trwy ddefnyddio border glas golau.

Bydd crynodeb o'r cae yn cael ei arddangos ar gyfer y parcel tir a ddeuwiswyd. Bydd manylion y parcel tir yn cael eu harddangos mewn dau flwch ar yr ochr chwith.


## Gweld Eich Map

### Clystyru

Bydd y Map Rhyngweithiol yn agor ar faint llawn eich daliad. Os yw'r bar graddfa yn dangos 1000m neu fwy, bydd eich caeau yn cael eu grwpio gyda'i gilydd mewn clystyrau ac yn cael eu harddangos fel cylch coch.


Os yw'r bar graddfa yn dangos 1000m neu fwy, bydd y caeau'n cael eu grwpio gyda'i gilydd mewn clystyrau.

Bydd hyn hefyd yn digwydd os yw maint llawn eich daliad yn llai na 1000m a'ch bod yn chwyddo allan i bwynt lle mae'r bar graddfa yn fwy na hyn. Bydd nifer y cylchoedd coch sy'n cael eu defnyddio i ddangos y clystyrau yn lleihau wrth i chi chwyddo allan. Po fwyaf y byddwch chi'n chwyddo allan, bydd y clystyrau yn lleihau.



Wrth i chi chwyddo allan, bydd nifer y cylchoedd coch sy'n cael eu defnyddio i ddangos y clystyrau yn lleihau.

Pan fydd clystyrau'n dangos ar y map, bydd yr holl haenau eraill yn cael eu diffodd ac eithrio Llyn o'r Awyr neu Haen Map a Nodweddion Parhaol.



Bydd pob haen yn cael ei diffodd pan fydd y lefel chwyddo yn 1000m neu'n fwy.




Os ydych chi'n dewis un o'r clystyrau, bydd y map yn chwyddo i mewn i'r caeau ac yn troi ymlaen unrhyw haenau a oedd ymlaen o'r blaen (ar yr amod bod y raddfa yn briodol i'w harddangos - gweler Dewis Haenau ar dudalen 17 am arweiniad).



## Chwyddo i mewn


Mae pedwar dull gwahanol o chwyddo i mewn i'r Map Rhyngweithiol. Bydd y dull rydych chi'n ei ddefnyddio yn dibynnu ar beth rydych chi'n ceisio'i gyflawni.

1. Mae'n gyflym ac yn hawdd chwyddo i mewn ar un cae:




I gael cyfarwyddiadau ar sut i chwyddo allan, ewch i dudalen 13.

2. Os ydych chi'n dwbl-glicio botwm chwith eich llygoden ar y cae rydych chi am ei weld, bydd y system yn chwyddo i mewn yn raddol. Gweler yr enghreifftiau isod sy'n dangos chwyddo i mewn o faint llawn y daliad i un cae. Hefyd, trwy chwyddo i mewn fel hyn byddwch chi'n gallu gweld yr ardal o amgylch y cae sydd wedi'i ddewis.



Os ydych chi eisiau chwyddo i mewn i grŵp o gaeau, mae sawl ffordd o wneud hynny:

3. Os oes gennych chi lygoden sydd ag olwyn sgrolio, bydd yr olwyn sgrolio yn caniatáu i chi chwyddo i mewn.



Chwilio...

SS5297 8399

Cyfeirnod y Ddalen SS5297

Rhif y Cae 8399

Maint y Cae (ha) 51.25

Statws Deiliadaeth 0

Gweld

Nodweddion

Cod	Enw	Arwynebedd (ha)
ZZ30	Pyllau - anghymwys	0.49
ZZ30	Pyllau - anghymwys	2.30
ZZ30	Pyllau - anghymwys	1.92

200 m  
500 ft


© Hawffraint y Goron a hawlfau cronfa ddata 2024. Arolwg Ordnans 100021874. © Getmapping Plc a Bluesky International Limited 2024. Caniatâir defnyddio'r data hwn yn unol â'r telerau ac amodau. Roedd yr wybodaeth a ddangosir ar y map yn berthnasol ar 16/08/2024.

Gweld Opsiynau


Delwedd B – ar ôl defnyddio'r olwyn sgrolio, bydd y map yn chwyddo i mewn.

Gallwch barhau i chwyddo i mewn trwy'r dull hwn nes eich bod wedi cyrraedd y maint o'ch dewis.

4. Ffordd arall o chwyddo i mewn yw defnyddio'r botwm Plws (+) ar y bar chwyddo.




Bydd clicio ar y botwm Plws (+) yn chwyddo eich map i mewn.




Bydd gwaelod eich map yn dangos graddfa'r map rydych chi wedi ei chwyddo. Wrth i chi chwyddo i mewn, bydd y raddfa'n addasu yn unol â hynny.

## Chwyddo allan

1. Y ffordd gyflymaf a hawsaf o chwyddo allan yw defnyddio'r botwm 'Chwyddo i'r daliad'.



Pan fydd y botwm 'Chwyddo i'r daliad' yn cael ei ddewis, bydd y system yn chwyddo allan i ddangos maint llawn eich daliad, a bydd eich map yn edrych fel hyn.



2. Os oes gennych chi llygoden sydd ag olwyn sgrolio, bydd yr olwyn sgrolio

yn caniatáu i chi chwyddo allan.

Chwilio...

**LITTLE FIELD**

Cyfeirnod y Ddalen SN9557

Rhif y Cae 4692

Maint y Cae (ha) 1.76

Statws Deiliadaeth O

**Nodweddion**

Cod	Enw	Arwynebedd (ha)
ZZ31	Afonydd a Nentydd	0.16
ZZ11	Coetir - llydanddail - grŵp	0.44
YY16	Coetir - boncyffion	0.01

200 m / 1000 ft

© Hawffraint y Goron a hawliau cronfa ddata 2024. Arolwg Ordnans 100021874. © Getmapping Plc a Bluesky International Limited 2024. Canllatair defnyddio'r data hwn yn unol â'r telerau ac amodau. Roedd yr wybodaeth a ddangosir ar y map yn berthnasol ar 15/09/2024.

Gweld Opsiynau

Delwedd A – map sydd wedi cael ei chwyddo i mewn

Chwilio...

**LITTLE FIELD**

Cyfeirnod y Ddalen SN9557

Rhif y Cae 4692

Maint y Cae (ha) 1.76

Statws Deiliadaeth O

**Nodweddion**

Cod	Enw	Arwynebedd (ha)
ZZ31	Afonydd a Nentydd	0.16
ZZ11	Coetir - llydanddail - grŵp	0.44
YY16	Coetir - boncyffion	0.01

1000 m / 5000 ft

E: 301341 - N: 253146


© Hawffraint y Goron a hawliau cronfa ddata 2024. Arolwg Ordnans 100021874. © Getmapping Plc a Bluesky International Limited 2024. Canllatair defnyddio'r data hwn yn unol â'r telerau ac amodau. Roedd yr wybodaeth a ddangosir ar y map yn berthnasol ar 15/09/2024.

Gweld Opsiynau

Delwedd B – ar ôl defnyddio'r olwyn sgrolio, bydd y map yn chwyddo allan

Gallwch barhau i chwyddo allan trwy'r dull hwn nes eich bod wedi cyrraedd y maint o'ch dewis.

### 3. Ffordd arall o chwyddo allan yw defnyddio'r botwm Minws (-) ar y bar chwyddo.



Bydd clicio ar y botwm Minws (-) yn chwyddo eich map allan



Bydd gwaelod eich map yn dangos graddfa'r map rydych chi wedi ei chwyddo. Wrth i chi chwyddo allan, bydd y raddfa'n addasu yn unol â hynny.

## Tremio


Mae 'tremio' yn cyfeirio at y weithred o symud delwedd o gwmpas er mwyn ei gweld o safbwyntiau gwahanol.

Er mwyn tremio'ch map, chwith-gliciwch ar y ddelwedd o'r map, a gan gadw'ch bys ar y botwm chwith, llusgwch eich llygoden i fyny, i lawr, i'r chwith neu i'r dde.


Er enghraifft: gweler Delwedd A isod, ac yna gweler Delwedd B.



## Delwedd A




## Delwedd B




## Dewis Haenau

Pan fyddwch yn agor eich Map Rhyngweithiol am y tro cyntaf, bydd y map yn agor yn ddiodyn ar yr haen Lluniau o'r Awyr, a bydd yr haen Nodweddion Parhaol yn bresennol.



Mae'r Map Rhyngweithiol yn eich galluogi i weld eich daliad ar haenau gwahanol. Mae'r gair 'haenau' yn ddisgrifiad perffaith yn y fan yma, gan eu bod yn haenau o wybodaeth wahanol sydd wedi'u gosod ar ben ei gilydd ar un ddelwedd sylfaenol. Bydd troi haenau gwahanol ymlaen ac i fwrdd yn creu effeithiau gwahanol.



- Yn caniatáu i chi newid golwg eich map
- Yn caniatáu i chi newid golwg eich map
- Yn caniatáu i chi weld gwybodaeth am Nodweddion Parhaol
- Yn caniatáu i chi weld **Tir sydd wedi'i Gadw'n Naturiol** ar eich daliad
- Yn caniatáu i chi weld Labeli Cae ar eich daliad

Bydd y map yn chwyddo'n awtomatig i'r raddfa ofynnol pan fydd wedi'i gynnau

Os yw'r botwm 'Wedi diffodd' wedi'i ddewis, bydd yn cael ei liwio'n llwyd


### Graddfa Arddangos Haenau

Dim ond ar neu islaw lefel benodol o chwyddo y mae modd gweld nifer o haenau. Gweler y tabl isod:

Haen	Graddfa sy'n cael ei harddangos ar y bar graddfa
Lluniau o'r Awyr	Ar bob graddfa
Haen Map	Ar bob graddfa
Nodweddion Parhaol	500m ac yn agosach
Ardaloedd Ffocws Ecolegol	500m ac yn agosach
Labeli Cae	50m ac yn agosach


## Haen Lluniau o'r Awyr

Pan fydd y blwch 'Gweld Opsiynau' yn cael ei fwyhau, byddwch yn gallu dewis yr haen lluniau o'r awyr. Wrth edrych ar y map rhyngweithiol bydd yr haen hon wedi'i throi ymlaen yn ddiodyn.




## Haen Map

Os ydych chi'n troi'r 'Haen Map' 'Ymlaen', bydd y system yn tynnu'r haen lluniau o'r awyr. Os yw'r haen hon yn cael ei diffodd, bydd y system yn ail-gyflwyno'r haen lluniau o'r awyr yn awtomatig.



Os ydych chi'n dewis 'Ymlaen', bydd y map yn edrych fel hyn




Os ydych chi'n chwyddo i mewn ar y map, bydd yr Haen Map yn edrych fel hyn. Er mwyn gweld y map bydd angen i chi chwyddo allan.

### Haen Nodweddion Parhaol


Nodweddion parhaol yw ardaloedd o fewn parcel tir sydd ddim yn newid bob blwyddyn fel arfer. Mae nodweddion parhaol yn cael eu mapio o fewn parcel tir trwy

ddefnyddio Ffurflen Cynnal Caeau. Mae'r haen hon yn gyfleus iawn wrth greu mapiau sydd i'w defnyddio fel mapiau braslunio neu ar gyfer cyflwyno ffurflenni Cynnal Caeau.



Os yw golwg maint llawn eich daliad yn 500m neu'n agosach, mae'r haen Nodweddion Parhaol ymlaen yn ddiodyn pan fyddwch chi'n gweld eich map rhyngweithiol am y tro cyntaf. Os yw lefel y chwyddo yn fwy na hyn, pan fyddwch chi'n troi'r haen ymlaen, bydd y map yn chwyddo yn awtomatig i'r lefel chwyddo sydd ei hangen.

Ar hyn o bryd, mae 5 dangosydd nodweddion parhaol gwahanol yn y Map Rhyngweithiol.



ZZ98 – Coed – coed unigol, boncyffion/bonion yn cael eu dangos gan ddelwedd fach o goeden



ZZ40 ac YY41 – Sgri/brigadâu craig/clogfeini/tywod – mewn grwpiau ac wedi'u gwasgaru, yn cael eu dangos gan ddotiau coch



Bydd y rhan fwyaf o Nodweddion Parhaol\* yn cael eu dangos mewn llwyd gyda chroeslinellu coch



\* ac eithrio ZZ20, YY21, ZZ40, YY41, ZZ22, YY41 a ZZ98

ZZ22 ac YY41 – Prysg/eithin/mieri – mewn grwpiau ac wedi'u gwasgaru, yn cael eu dangos gan y ddelwedd werdd isod



ZZ20 ac YY21 – Rhedyn – mewn grwpiau ac wedi'i wasgaru, yn cael ei ddangos gan y ddelwedd frown isod



Nodweddion			
Cod	Enw	Arwynebedd (ha)	
ZZ31	Afonydd a Nentydd	0.16	
ZZ11	Coetir - llydanddail - grŵp	0.44	
YY16	Coetir - boncyffion	0.01	

Os oes gennych chi gae â mwy nag un nodwedd barhaol ynddo, gallwch chwyddo i mewn i'r nodwedd trwy glicio ar yr eicon llygad




Dyma'r codau presennol ar gyfer nodweddion parhaol:


<b>Cod Cnwd</b>	<b>Disgrifiad o'r Cnwd/Tir</b>	<b>A yw'n cael ei ddangos ar y map?</b>
ZZ89	Adeiladau/buarthau	Ydy – Croeslinellu coch
ZZ20	Rhedyn – grŵp	Ydy – Delwedd frown
YY21	Rhedyn – wedi'i wasgaru	Ydy – Delwedd frown
ZZ92	Arwynebau solet	Ydy – Croeslinellu coch
ZZ30	Pyllau dŵr	Ydy – Croeslinellu coch
ZZ31	Afonydd a nentydd	Ydy – Croeslinellu coch
ZZ94	Ffyrdd	Ydy – Croeslinellu coch
ZZ40	Sgri/brigiadau craig/clogfeini/tywod – grŵp	Ydy – Dotiau coch
YY41	Sgri/brigiadau craig/clogfeini/tywod – wedi'u gwasgaru	Ydy – Dotiau coch
ZZ22	Prysg/eithin/mieri – grŵp	Ydy – Delwedd werdd
YY41	Prysg/eithin/mieri – wedi'u gwasgaru	Ydy – Delwedd werdd
ZZ97	Traciau – nad ydynt yn cael eu pori	Ydy – Croeslinellu coch
ZZ98	Coed – unigol, boncyffion/bonion	Ydy – Delwedd o goeden
NO1	Gweithgareddau nad ydynt yn ymwneud ag amaethyddiaeth	Ydy – Croeslinellu coch
TR2	Di-stoc – coetir – conwydd (gan gynnwys coed Nadolig)	Ydy – Croeslinellu coch
WS1	Di-stoc – coetir – llydanddail	Ydy – Croeslinellu coch

## Haen Labeli Caeau

Bydd yr haen hon yn caniatáu i chi weld y Cyfeirnodau Dalen a'r Rhifau Caeau ar gyfer eich parseli.





















Dim ond ar neu islaw lefel chwyddo o 50m neu'n agosach y gallwch chi weld yr haen hon. Os yw'r lefel chwyddo yn fwy na hyn, wrth i chi droi'r haen ymlaen, bydd y map yn chwyddo'n awtomatig i'r lefel chwyddo ofynnol.



## Tabl Allwedd

Pwrpas y tabl allwedd hwn yw darparu delweddau o ardaloedd gwahanol mewn Map Rhyngweithiol y gallwch chi gyfeirio atynt.

Haen	Lliw Sylfaen	Golwg o'r Awyr (AP) Enghreifftiol	Golwg MM Enghreifftiol
Haen MasterMap (MM) OS	Nodweddion Dŵr Uchel: Glas Pob nodwedd arall: Llwyd Didreiddedd: 100%	Amherthnasol	
Haen Lluniau o'r Awyr (AP)	Didreiddedd: 100%		Amherthnasol
Bydd Parseli Tir yn cael eu hamlinellu gan ffiniau coch er mwyn eu hadnabod yn hawdd	Border: Coch Llenwad: Dim (golwg AP) / Melyn (golwg MM) Didreiddedd: 60%		
Bydd Parseli Tir sydd wedi'u dewis yn cael eu hamlinellu gan forder glas	Border: Glas Llenwad: Dim Didreiddedd: 100%		
Rhifau/Labeli Parseli Tir	Border: Amherthnasol Cefndir: Gwyrdd Golau (golwg AP yn unig) Didreiddedd: 60%		

<p>Bydd y rhan fwyaf o Nodweddion Parhaol* yn cael eu dangos gan groeslinellu coch</p> <p>*ac eithrio ZZ20, YY21, ZZ40, YY41, ZZ22, YY41 a ZZ98</p>	<p>Border: Glas Llenwad: Croeslinellu Coch Didreidded d: 60%</p>		
<p>ZZ40 ac YY41 – Sgri/brigiadau craig/clogfeini/tywod – mewn grwpiau ac wedi'u gwasgaru, yn cael eu dangos gan ddotiau coch</p>	<p>Didreiddedd: 60%</p>		
<p>ZZ98 – Coed – unigol, boncyffion/bonion yn cael eu dangos gan ddelwedd o goeden fach</p>	<p>Didreiddedd: 60%</p>		
<p>ZZ22 ac YY41 – Prysgeithin/mieri - mewn grwpiau ac wedi'u gwasgaru, yn cael eu dangos gan y ddelwedd werdd isod</p>	<p>Didreiddedd: 60%</p>		
<p>ZZ20 ac YY21 – Rhedyn - mewn grwpiau ac wedi'i wasgaru yn cael ei ddangos gan y ddelwedd frown isod</p>	<p>Didreiddedd: 60%</p>		

## Eiconau Rhyngweithiol

Gallwch chi ddewis un o bum botwm wrth edrych ar eich map rhyngweithiol. Maent yn cael eu dangos fel eiconau ger brig y map, wrth ymyl y bar chwilio.




**Chwyddo i ddaliad** – bydd yn chwyddo allan i ddangos maint llawn eich daliad




**Offeryn Mesur** – bydd yn eich galluogi i fesur hydoedd ac arwynebeddau



**Argraffu fy Map** – bydd yn eich galluogi i argraffu'r ddelwedd ar y sgrin



**Offeryn Targed** – bydd yn eich galluogi i ddewis parcel tir ar y map



**Lawrlwytho Shapefiles** – bydd yn eich galluogi i lawrlwytho shapefiles

## Chwyddo i ddaliad

Bydd y botwm hwn yn caniatáu i chi weld maint llawn eich daliad.

Cadwch eich cyrchwr dros y botwm oren.  
Bydd blwch naid yn dweud wrthyfch y bydd  
y botwm hwn yn 'Chwyddo ar y daliad'.

Chwilio...

LITTLE FIELD

Cyfeirnod y Ddalen	SN9557	Gweld
Rhif y Cae	4692	
Maint y Cae (ha)	1.76	
Statws Deiliadaeth	O	

Nodweddion

Cod	Enw	Arwynebedd (ha)	
ZZ31	Afonydd a Nentydd	0.16	
ZZ11	Coetir - llydandail - grŵp	0.44	
YY16	Coetir - boncyffion	0.01	

Os byddwch yn gwasgu'r botwm hwn, bydd y map yn dangos maint llawn eich daliad.



50 m  
100 ft

© Haviffrainc y Goron a hawliau cronfa ddata 2024. Arolwg Ordnans 100021874. © Getmapping Plc a Blusky International Limited 2024. Caniatellir ddefnyddio'r data hwn yn unol â'r telerau ac amodau. Roedd yr wybodaeth a ddangosir ar y map yn berthnasol ar 15/06/2024.

## Offeryn Mesur


Bydd y botwm hwn yn caniatáu i chi fesur hydoedd ac arwynebeddau mewn m, km, m<sup>2</sup> neu ha fel sy'n briodol. Mae hwn yn offeryn defnyddiol os ydych chi'n ystyried ychwanegu nodwedd barhaol at barsel tir. Gallwch ddefnyddio'r offeryn hwn i fesur un hyd, sawl hyd neu hyd ac arwynebedd polygon. Gallwch ei ddefnyddio ar unrhyw raddfa ond byddai'n fwyaf defnyddiol pan fydd y daliad wedi'i chwyddo i mewn. Dim ond un mesuriad y gallwch chi ei wneud ar y tro, felly os ydych chi'n dymuno gwneud mwy nag un mesuriad ar eich map, bydd angen eu gwneud ar wahân. Os ydych chi'n cychwyn mesuriad newydd, bydd unrhyw linellau neu bolygonau sydd eisoes wedi'u mesur yn cael eu clirio o'r sgrin.

Cadwch gyrchwr eich llygoden dros y botwm llwyd hwn. Bydd blwch naid yn dweud wrthy'ch y bydd y botwm hwn yn 'Toglwch yr erfyn mesur'. Rhaid dewis y botwm er mwyn troi'r offeryn mesur ymlaen.



Rydych wrthi'n defnyddio'r erfyn mesur. Pwyswch ar fotwm yr erfyn mesur eto i stopio.

Er mwyn diffodd yr offeryn mesur, gallwch ddewis y botwm eto. Bydd unrhyw linellau neu bolygonau sydd eisoes wedi'u mesur yn cael eu clirio pan fydd yr offeryn mesur yn cael ei ddiffodd.





## Gosod pwyntiau ar y map rhyngweithiol

Mae dwy ffordd o osod pwynt ar y map:

1. Y ffordd hawsaf o osod pwynt ar y map yw trwy ddefnyddio botwm chwith y llygodyn






2. Cadw eich bys ar y botwm shift a chlicio ar fotwm chwith y llygoden (chwyddo awtomatig).

Pan fydd y pwynt wedi'i osod trwy bwysu'r botwm shift a chlicio botwm chwith y llygoden, bydd y map yn chwyddo'n awtomatig yn agosach at le mae'r pwynt wedi'i osod.

Gallwch chi ddechrau mesur trwy glicio botwm chwith y llygoden yn y lleoliad rydych chi eisiau cychwyn.

Gallwch chi symud y cyrchwr trwy lusgo'r llygoden i'r lleoliad gofynnol. Bydd y symbol glas yn dilyn y cyrchwr nes bod y pwynt nesaf yn cael ei osod.




Yna gallwch chi osod y pwynt nesaf yn y lleoliad gofynnol trwy bwysu'r botwm shift a chlicio botwm chwith y llygoden. Bydd y blwch deialog yn dangos hyd bresennol y llinell sydd wedi'i chreu mewn unedau metrig priodol.

1.28km

Bydd y blwch gwyn yn dangos hyd y llinell sydd wedi'i chreu mewn m neu km gyda dau le degol

## Mesur un pwynt

Fe allwch chi fesur un hyd ar y map. Gallwch chi ddefnyddio un o ddau ddull (gweler tudalen 37-38) er mwyn gosod pwynt, ond rhaid i chi ddwbl-glicio botwm y llygoden er mwyn gorffen gosod y pwynt ar gyfer mesur.



Unwaith rydych chi wedi dwbl-glicio botwm chwith y llygoden, ni fydd symud y cyrchwr yn arwain at greu llinell, ond bydd yr offeryn mesur yn parhau i fod yn weithredol nes iddo gael ei ddiffodd. Pan gaiff yr offeryn mesur ei ddiffodd, bydd y llinell sydd wedi'i mesur yn cael ei chlririo o'r sgrin.

Os ydych chi eisiau argraffu'r map gyda'r mesuriad cyn diffodd yr offeryn mesur, neu cyn dechrau mesuriad newydd, gweler tudalen 42 ar gyfer cyfarwyddiadau ar argraffu.


## Mesur pwyntiau lluosog

Fe allwch chi fesur llinellau lluosog ar eich map rhyngweithiol hefyd. Rhaid i'r llinellau hyn gael eu cysylltu gan y pwyntiau sydd wedi'u gosod ar y map.


Y ffordd hawsaf o wneud hyn yw trwy glicio botwm chwith y llygoden i osod y pwyntiau ar y map ac yna dwbl-glicio'r botwm pan fyddwch chi wedi gosod y pwynt terfynol ar gyfer mesur.

Gallwch chi ddechrau mesur trwy glicio botwm chwith y llygoden yn y lleoliad rydych chi eisiau cychwyn.

Gallwch chi symud y cyrchwr trwy lusgo'r llygoden i'r lleoliad gofynnol. Bydd y symbol glas yn dilyn y cyrchwr nes bod y pwynt nesaf yn cael ei osod.



Yna gallwch chi osod y pwynt nesaf yn y lleoliad gofynnol trwy glicio botwm chwith y llygoden. Bydd y blwch deialog yn dangos hyd bresennol y llinellau sydd wedi'u creu mewn unedau metrig priodol.



Yna gallwch chi osod y pwynt nesaf yn y lleoliad gofynnol trwy glicio botwm chwith y llygoden. Bydd y blwch deialog yn dangos hyd gronol y llinellau sydd wedi'u creu mewn unedau metrig priodol.


Gallwch chi osod pwyntiau lluosog ar y map rhyngweithiol a bydd y blwch deialog yn parhau i arddangos hyd gronol y llinellau sydd wedi'u creu.


Wrth osod y pwynt olaf, mae'n bwysig dwbl-glicio botwm y llygoden er mwyn osgoi gosod unrhyw bwyntiau eraill.

## Mesur hydroedd ac arwynebeddau polygon

Mae'r map rhyngweithiol yn caniatáu i chi fesur hyd ac arwynebedd polygon.


Polygon yw siâp sy'n cael ei greu gan ddefnyddio'r offeryn mesur, ac ni fydd yn gyflawn nes bod pob un o'r pwyntiau wedi'u gosod a'u cysylltu.





Gallwch chi greu'r polygon trwy osod y pwynt olaf yn y man lle gosodwyd y pwynt cyntaf a chlicio botwm chwith y llygodyn.


Wrth osod y cyrchwr yn agos at y pwynt cyntaf sydd wedi'i osod, bydd yn symud yn awtomatig i'r pwynt cyntaf i greu polygon.



Pan fydd y polygon wedi cael ei greu bydd yn cael ei liwio'n llwyd gydag amlinelliad glas

Bydd y blwch deialog yn arddangos hydoedd cronol y llinellau sydd wedi'u creu mewn m neu km ac arwynebedd y polygon mewn m<sup>2</sup> neu hectarau gyda dau le degol

Os ydych chi'n creu arwynebedd gyda llinellau sy'n croestorri (gorgyffwrdd) yn ddamweiniol wrth fesur, fe welwch neges gwall ac ni fydd unrhyw arwynebedd yn cael ei gyfrifo.




Rhowch gynnig arall, heb unrhyw orgyffwrdd.

## Argraffu Fy Map

Bydd y botwm Argraffu Fy Map yn eich galluogi i argraffu delwedd o'r union beth sy'n ymddangos ar eich sgrin. Gallai gynnwys maint llawn eich daliad neu un cae yn unig, gyda haenau wedi'u troi ymlaen neu eu diffodd (Mae'r delweddau enghreifftiol isod wedi'u tynnu gan ddefnyddio Microsoft Edge. Gweler yr adran Datrys Problemau ar dudalen 42 am arweiniad ar argraffu wrth ddefnyddio porwyr gwahanol).

Cadwch gyrchwr y llygoden dros y eicon argraffydd. Bydd blwch naid yn arddangos 'Argraffu fy Map'.




Pan fyddwch chi'n clicio ar y botwm hwn, bydd rhagolwg argraffu yn ymddangos mewn ffenestr newydd, fel nad yw'n disodli RPW Ar-lein. Yna, mae gennych chi'r opsiwn i argraffu neu ganslo.





## Offeryn Targed

Cliciwch ar yr offeryn targed, yna dewiswch barsel tir ar y map.




## Lawrlwytho Shapefiles


Mae swyddogaeth newydd wedi'i hychwanegu at y Map Rhyngweithiol ar RPW Ar-lein. Bydd y swyddogaeth hon yn caniatáu ichi lawrlwytho data Shapefile fel .zipfile ar gyfer y tir sydd ar gael i chi.

Mae'r haen gyntaf yn cynnwys manylion y System Adnabod Parseli Tir (LPIS) ar gyfer pob parcel tir o dan eich daliad; mae'r ail haen yn cynnwys data Nodwedd Parhaol y daliad.


I lawrlwytho Shapefile, cliciwch ar y tab 'Tir' a dewiswch y **Map Rhyngweithiol** fel y dangosir yn y print sgrin isod.



Bydd y Map Rhyngweithiol yn agor fel y dangosir yn y sgrin isod.




Unwaith y bydd sgrin IMV wedi llwytho, wrth ymyl y bar chwilio, fe welwch gyfres o eiconau. Hofran dros bob eicon a dewiswch '**Lawrlwytho Shapefiles**'.



Ar ôl dewis ‘**Lawrlwytho Shapefiles**’, bydd neges Telerau ac Amodau yn cael ei harddangos ar y sgrin. Sicrhewch eich bod wedi darllen a deall y Telerau ac Amodau cyn cadarnhau eich bod yn cytuno.



Ar ôl cadarnhau, bydd y botwm Lawrlwytho yn dod yn brint trwm ac ar gael i chi ei wasgu. Cliciwch Lawrlwytho. Bydd 2 x Shapefile.zips yn cael eu creu ac yn ymddangos yn y ffeil lawrlwythiadau. Dylent hefyd ymddangos mewn blwch naid yng nghornel dde uchaf eich sgrin.



Bydd shapefile.zip yr LPIS yn cynnwys y data canlynol:

Nod adnabod Parseli tir

OSSHEET

NGFIELD

Maint y Cae

Enw Cae

Statws Daliadaeth

Bydd y Shapefile.zip Nodwedd Barhaol yn cynnwys y canlynol:

Nod Adnabod Nodwedd Barhaol


Cod Nodwedd Barhaol

Arwynebedd Nodwedd Barhaol

Nod Adnabod Parsel Tir

Isspatial

Cofiwch, efallai y bydd y porwr rhyngwyd yn dewis blocio lawrlwythiadau lluosog a gallai ffenestr newydd ymddangos ar eich sgrin fel y dangosir yn y sgrin isod. Dewiswch 'Parhau i ganiatáu lawrlwythiadau awtomatig o ffeiliau lluosog' a gwasgu gwnaed. Yna dylai eich Shapefile .zips ymddangos.



Unwaith y bydd y ffeiliau zip wedi'u creu, gallwch lwytho'r data Shapefile i'ch System Gwasanaethau GI eich hun.


## Datrys Problemau

Argraffu Mapiau – prosesau ar gyfer porwyr sydd wedi'u cefnogi.

## Microsoft Edge


Wrth argraffu o Fap Rhyngweithiol trwy ddefnyddio Microsoft Edge, bydd eich blwch 'Dewisiadau Cadw' yn ymddangos ar y sgrin, wrth ddewis 'Cadw ar ffurf PDF' yn y gwymplen Argraffydd.

Gallwch lywio i'ch lleoliad dewisol er mwyn cadw'r map.




## Google Chrome

Yn y rhan fwyaf o achosion, mae gosodiad lawrlwytho Google Chrome wedi'i ragosod yn awtomatig i gadw copi o'r hyn rydych chi wedi dewis ei lawrlwytho i'ch ffolder ddiodyn. Pan fydd y gosodiad hwn yn cael ei actifadu, bydd y blwch lawrlwytho sy'n agor eich Map PDF yn ymddangos ar waelod chwith ffenestr eich porwr. Pan fyddwch yn dewis eich Map PDF, bydd yn cael ei gadw yn awtomatig a bydd eich map yn agor i chi.



Os na fydd y gosodiad hwn yn cael ei actifadu, bydd blwch 'Save As' yn ymddangos yn gofyn i chi gadw'r hyn sydd wedi'i lawrlwytho. Yna bydd angen i chi lywio i'r lleoliad cadw rydych chi wedi'i ddewis i'w agor.



Os ydych chi eisiau newid eich gosodiadau, agorwch y gwymplen gosodiadau.


Dewiswch 'Settings' ac yna 'Show Advanced settings...'

[Show advanced settings...](#)

Sgrolwch i lawr i 'Downloads' a gweld a oes tic yn y blwch wrth ymyl "Ask where to save each file before downloading". Os nad oes tic yn y blwch, bydd eich lawrlwythiadau yn cael eu cadw yn awtomatig; os oes tic yn y blwch, bydd yn rhaid i chi gadw lawrlwythiadau eich hun cyn eu hagar.


## Mozilla Firefox

Wrth argraffu o Fap Rhyngweithiol trwy ddefnyddio porwr Mozilla Firefox, bydd eich blwch lawrlwytho yn ymddangos ar y sgrin i chi.




Os ydych chi'n dewis "Open with" ac yna "OK" yna bydd y ffeil yn agor mewn ffenestr newydd (cyn belled â bod eich cyfrifiadur/dyfais yn bodloni'r holl ofynion system ar gyfer Map Rhyngweithiol).

**NODER:** NI fydd hyn cadw'r ffeil yn awtomatig ar eich cyfrifiadur.



Os ydych chi'n dewis "Save File" ac yna "OK" bydd y ffeil yn cael ei chadw yn y folder Mozilla Firefox Download.

Yna dylech chi weld y ffenestr naid isod yn ymddangos ar waelod ochr dde eich sgrin i gadarnhau bod y broses lawrlwytho wedi'i chwblhau.





## Cwestiynau Cyffredin

### **1. Pan fydda i'n agor Map Rhyngweithiol, mae'r ddelwedd o'r awyr gychwynnol yn cynnwys ymyl gwyn sy'n diflannu pan fydda i'n newid i olwg Master Map. Pam?**

Os ydych chi'n byw wrth ymyl y môr neu ger ffin Cymru, fe welwch le nad oes unrhyw luniau o'r awyr, bydd gofod gwyn yn unig.

Dim ond lluniau o'r awyr ar gyfer Cymru mae Llywodraeth Cymru yn eu cadw; felly, dim ond yr haen lluniau o'r awyr ar gyfer Cymru fydd Map Rhyngweithiol yn ei dangos. O ganlyniad, ni fydd delweddau lluniau o'r awyr ar gael ar gyfer y môr ac ochr draw ffin Cymru. Mae'r haen Master Map yn wahanol a bydd yn dangos tir dros y ffin a'r môr.

Os **nad** ydych chi'n byw wrth ymyl y môr neu ger ffin Cymru a bod ardaloedd gwyn yn ymddangos, rhowch gynnig ar adnewyddu'ch tudalen yn gyntaf. Os nad yw hynny'n gweithio, ceisiwch gau'r porwr a mewngofnodi i'ch cyfrif RPW Ar-lein eto.

Os ydych chi'n parhau i gael problemau, cysylltwch â'r Ddesg Gymorth Ar-lein ar 0300 062 5004 neu anfonwch neges drwy RPW Ar-lein a byddwn yn ceisio eich helpu.

### **2. Pan fydda i'n dewis fy nghaeau, nid yw'r ffin las yn ymddangos o'u cwmpas, pam?**

Mae'n debygol eich bod yn symud o gae i gae yn rhy gyflym. Pan fyddwch yn dewis cae ar y map mae'n rhaid i'r holl wybodaeth sydd wedi'i chynnwys yn y Rhestr o Gaeau adnewyddu ac ail-lwytho ar gyfer y parcel tir newydd a ddewiswyd. Yn dibynnu ar gyflymder a chryfder eich gwasanaeth band eang, bydd yr amser y mae'r system yn ei gymryd i wneud y newidiadau hyn yn amrywio.

Ceisiwch oedi wrth newid rhwng caeau.

Os ydych chi'n parhau i gael problemau, cysylltwch â'r Ddesg Gymorth Ar-lein ar 0300 062 5004 neu anfonwch neges drwy RPW Ar-lein a byddwn yn ceisio eich helpu.

### **3. Rwy'n ceisio creu map i nodi newidiadau ar gyfer ffurflen Cynnal Caeau, ond mae croeslinellu coch yn ymddangos ar y cae ar gyfer nodweddion parhaol. Sut ydw i'n diffodd yr haen nodweddion parhaol?**

Ar ochr dde uchaf eich map fe welwch chi flwch opsiynau. Wrth fwyhau'r blwch hwn fe welwch fod opsiwn ar gael i droi'r haen hon ymlaen neu ei diffodd. Bydd yr haen hon yn cael ei throi ymlaen yn ddiodyn pan fyddwch chi'n mewngofnodi ac yn gweld

eich Map Rhyngweithiol.

Os ydych chi'n parhau i gael problemau, cysylltwch â'r Ddesg Gymorth Ar-lein ar 0300 062 5004 neu anfonwch neges drwy RPW Ar-lein a byddwn yn ceisio eich helpu.

#### **4. Pan fydda i'n mewngofnodi i RPW Ar-lein ac yn dewis Map Rhyngweithiol, pam nad yw'r rhestr o gaeau i'w gweld ar ochr chwith y sgrin?**

Mae'r rhestr o gaeau wedi cael ei disodli gan far chwilio. Fel hyn gallwch chwilio'ch caeau trwy nodi cyfeirnod y ddalen, rhif y cae neu enw'r cae. Wrth i chi deipio, bydd y system yn dechrau dod o hyd i'r cae rydych chi'n chwilio amdano. Fel arall, os hoffech chi weld y cyfeirnodau dalen a'r rhifau caeau ar gyfer eich holl gaeau, fe allwch wneud hynny trwy fwyhau'r blwch 'Gweld Opsiynau' yng nghornel dde uchaf eich map a throï'r haen 'Label Cae' ymlaen.

Os ydych chi'n parhau i gael problemau, cysylltwch â'r Ddesg Gymorth Ar-lein ar 0300 062 5004 neu anfonwch neges drwy RPW Ar-lein a byddwn yn ceisio eich helpu.

#### **5. Sut ydw i'n gwybod pa haenau sydd wedi'u troi ymlaen?**

Bydd y blwch 'Gweld Opsiynau' yng nghornel dde uchaf y sgrin yn dangos pa haenau sydd wedi'u troi ymlaen ar hyn o bryd. Bydd yr haenau Lluniau o'r Awyr a Nodweddion Parhaol yn cael eu troi ymlaen yn ddiodyn pan fyddwch chi'n mewngofnodi ac yn gweld eich Map Rhyngweithiol.

Os ydych chi'n parhau i gael problemau, cysylltwch â'r Ddesg Gymorth Ar-lein ar 0300 062 5004 neu anfonwch neges drwy RPW Ar-lein a byddwn yn ceisio eich helpu.

#### **6. Pan fydda i'n dewis 'Argraffu Fy Map', a fydd yr wybodaeth am y cae ar yr ochr chwith yn cael ei hargraffu hefyd?**

Pan fyddwch yn dewis 'Argraffu Fy Map', bydd y dudalen yn cynnwys yr olwg bresennol o'r map fel y mae'n cael ei harddangos ar y sgrin; os oes blwch gwybodaeth am y cae ar ochr chwith y sgrin, **ni** fydd yn cael ei argraffu.

Os ydych chi'n parhau i gael problemau, cysylltwch â'r Ddesg Gymorth Ar-lein ar 0300 062 5004 neu anfonwch neges drwy RPW Ar-lein a byddwn yn ceisio eich helpu.

#### **7. Beth yw polygon a sut ydw i'n creu un trwy ddefnyddio'r Offeryn Mesur?**

Mae polygon yn siâp sy'n cynnwys o leiaf tair ochr syth a thair ongl. Wrth

ddefnyddio'r Offeryn Mesur, bydd polygon yn cael ei greu pan fydd y pwyntiau sydd wedi'u gosod yn cysylltu â'i gilydd.

Os ydych chi'n parhau i gael problemau, cysylltwch â'r Ddesg Gymorth Ar-lein ar 0300 062 5004 neu anfonwch neges drwy RPW Ar-lein a byddwn yn ceisio eich helpu.

#### **8. Pam mae fy mesuriad yn diflannu o'r sgrin pan fydda i'n dechrau un newydd?**

Dim ond un mesuriad y gellir ei ddangos ar y map ar unrhyw adeg, felly os ydych chi eisiau cwblhau mesuriad arall, bydd y mesuriad blaenorol ac unrhyw flychau deialog cysylltiedig yn cael eu clirio o'r sgrin.

Os ydych chi'n parhau i gael problemau, cysylltwch â'r Ddesg Gymorth Ar-lein ar 0300 062 5004 neu anfonwch neges drwy RPW Ar-lein a byddwn yn ceisio eich helpu.

## Dolenni Defnyddiol

**Gwasanaeth Symud Gwartheg Prydain (BCMS) - CTS Ar-lein = [www.bcms.gov.uk](http://www.bcms.gov.uk)**

**Adran yr Amgylchedd, Bwyd a Materion Gwledig (Defra) = [www.gov.uk/defra](http://www.gov.uk/defra)**

**Yr Asiantaeth Taliadau Gwledig (RPA) SPS Ar-lein =**

<https://www.gov.uk/guidance/funding-for-farmers>

**Taliadau Gwledig Ar-lein Llywodraeth yr Alban = <https://www.ruralpayments.org/>**

**Gwasanaeth Ar-lein yr Adran Amaethyddiaeth a Datblygu Gwledig =**

<https://www2.dardni.gov.uk/>

**Swyddfa Cyllid Ewropeaidd Cymru Ar-lein =**

<https://www.llyw.cymru/mewngofnodi-i-wefo-ar-lein>

**Llywodraeth Cymru = <https://www.llyw.cymru/>**

**Llywodraeth Cymru – Ffermio a Chefn Gwlad = <https://www.llyw.cymru/ffermio-a-chefn-gwlad>**

**Llywodraeth Cymru – Canllaw i Ffermwyr ar Drawsgydymffurfio =**

<https://www.llyw.cymru/trawsgydymffurfio-2024>

**Llywodraeth Cymru – TB Buchol = <https://www.llyw.cymru/iechyd-anifeiliaid>**

**Llywodraeth Cymru – Symudiadau ac Adnabod Anifeiliaid Fferm =**

<https://www.llyw.cymru/iechyd-anifeiliaid>

**Llywodraeth Cymru – Cyswllt Ffermio =**

<https://businesswales.gov.wales/farmingconnect/cy>

**Llywodraeth Cymru – Swyddfeydd = [https://www.llyw.cymru/swyddfeydd-](https://www.llyw.cymru/swyddfeydd-llywodraeth-cymru)**

[llywodraeth-cymru](https://www.llyw.cymru/swyddfeydd-llywodraeth-cymru)

**Llywodraeth Cymru – Gwasanaeth Cysylltwyr Fferm =**

<https://www.llyw.cymru/gwasanaeth-cysylltwyr-fferm>

**Gwlad Ar-lein = <https://www.llyw.cymru/cofrestrwch-ar-gyfer-newyddion-amaethyddiaeth-choedwigaeth-gwlad>**

**Llywodraeth Cymru – Grwpiau Cymorth Gofid Cefn Gwlad =**

<https://www.llyw.cymru/ffermio-a-chefn-gwlad>

**Undeb Amaethwyr Cymru = <https://fuw.org.uk/index.php/cy/>**

**Undeb Cenedlaethol yr Amaethwyr (NFU) Ar-lein = [https://www.nfu-](https://www.nfu-cymru.org.uk/cy/)**

[cymru.org.uk/cy/](https://www.nfu-cymru.org.uk/cy/)

**Cyfoeth Naturiol Cymru = <https://cyfoethnaturiolcymru.gov.uk/?lang=cy>**

**System Trwyddedu Symudiadau Anifeiliaid (AMLS) = <https://amls.defra.gov.uk/>**